



薑齋先生詩文集

三





自敘

境識生則患不得熟則患失之與其失之也甯不得此予
所知而自懼者也五十以前不得者多矣五十以後未敢
謂得一往每幾於失中間不無力爲檠括而檠括之難予
自知之抑自提之

詩言志又曰詩以道性情賦亦詩之一也人苟有志死生
以之性亦自定情不能不因時爾楚人之謂葉公子高一
曰君胡胄一曰君胡不胄云胄云不胄皆情之至者也葉
公子高處此殆有難言者甲寅以還不期身遇之或謂予
胡胄或謂予胡不胄皆愛我者誰知予情予且不能自言

況望知者哉

此十年中別有柳岸吟欲遇一峯白沙定山於流連駘宿
中學詩幾四十年自應舍旃以求適於柳風桐月則與馬
班顏謝了不相應固其所已彼體自張子壽感遇開之先
朱文公遂大振金玉竊謂使彭澤能早知此當不僅爲彭
澤矣阮步兵鬍此意而自然別爲酒人故和阮和陶各
如其量止於阮陶之邊際不能欺也

庚申上已湘西草堂記

六十自定稿

衡陽王夫之譏

五言古詩

擬古詩十九首

庚戌

船山遺書五十

臨歧送遠道春艸生道傍春艸生有時遠行去無方逝水
無西歸游子怨流光高臺多夕風平原足晨霜去者日益
永留者情益警元雲迷四郊方望不得逞思君褰羅幃滅
燭無餘影棄置良獨難沒生誓幽秉

東園桃李花南國蛾眉女灼灼相矜悅遙遙動心語清歌
不再發舞袖無雙舉昔爲弦上思今爲夢中聚芳菲非我

春爲歡復何許

灼灼三春風榮榮楊柳色年少去我徂芳菲不再得遲我
心所欽良書寄懷憶迢遞千里間神舉有仙宅朱鳳遺清
音青天回羽翼玉軫動鳴琴素月輝相卽鬢鬚垂丹梯雲
籤降消息願言欣相從含情無終極

殷勤重殷勤置酒遙相期華燭搖虛牖流光動哀絲中觴
促密坐欲言還自疑懷情不忍戢勸勉當及茲爲歡託榮
觀結愛在新知飛蓬非久要胡爲守枯枝詞終起相謝微
生命有涯

客從淇水來導我遊朝歌廣陌聚高居冠蓋影綺羅良夕

奏哀絃繁聲驚素波師延亡千載遺怨何其多黃鸝感其
音羣飛以阿儻高樓離思女長夜顰青蛾聞者無厭情歌
者益以和清琴有希音吾心將如何

日南有歸客問訊珊瑚枝海水深不測飄零無反時相見
旣無端相憶無與知唯持憔悴心畢命以爲期

太陽斂西暉纖月出雲際夕風改晨色羣星相連綴征鳥
懷故棲遙天方遠逝巢燕依梁宇流螢漾池砌念我結髮
遊納交相砥礪去者日以疎遺我成孤贊宵露不及晨餘
霜無久麗自非金石心誰能永匏繫

梧桐生井幹桐葉落井中結蘡事君子飛蓬附秋風秋風

有息時飛蓬委荒阡間關逐君行中道悲棄捐依君日苦
短別君日苦延傷哉驚飄集吹此雨絕天日沒羣星出長
夜未有端

桂樹繁晨霜芳滋久不渝采之無所贈不忍置路隅懷袖
經歲年中心良自殊殷勤自疇昔誰爲愛斯須

滌滌秋宇清汔汔華露滋冉冉弦月微杳杳雙星期良辰
旣不屢終夕亦有涯脈脈相視間爲歡還自疑未必經年
中綢繆無轉移

日落登崇岡顧望青天高四維何茫茫浮雲但蕭騷羣動
旣非一吾身若秋毫自非精誠徹蟻動徒已勞精魄無固

存奄忽成君蒿及今百年內何者終吾操

所思不可見所怨不可移忽如飄風集貿貿何所之平生
交與好長逝相追隨中野飛燐光白日爲之迷函意以永
世千載將誰知

南山崔以嵬上與浮雲連俯視何浩浩飛鳥翔其間延眺
須臾中心目淒以閑置身如流波旦夕空百端焉能役心
志隨物增憂煩疇昔遨大梁結交多英賢千里不相棄良
書託歸翰寶玦白玉光繫以雙金環佩之四座驚彷徨發
長歎所歎非偶爾白璧當自完

陽春二三月綠艸被修路青林無鮮華曉鳴瓦晨暮淒彼

泉下人不知春風度驅驅無返轍誰者爲新故往古旣復然非我獨憂懼天物各推遷胡爲滋驚怖慮苦不得甘蚤計良已誤滅性以求眞浮光棲月露鼎鼎百年中含情抱

貞素

古人不可期今人當奈何對酒乍相忘援琴發清歌適意方在茲憂患徒相加憤世而忘己吾生亦有涯商山采芝人跡邇心自遐

和月春已徂林鳥有餘聲落英無返顧流覽怛中情寶刀垂鞚帶昔我何所營中宵不自戢髮暉感精靈邂逅良人姿執手相徂征心好自旖旎隨風飄長纓雖非思所臻乍

覩亦不驚願言託白首疇云中路傾綢繆不相釋屢顧念平生懷抱申此夕感之雙涕零

白月流素天微霜滿空際開軒極遠目清霄何迢遞仲秋元鳥歸季秋陽鴈至染絲弄機杼縱橫成錦字上有永別離下有金石誓不知將寄誰綢繆結封識經年藏寶篋置之不忍視

昔我遊日南中道至合浦池水碧以寒、鑿韙莫能睹得此徑寸珠云自鮫人所緘以金泥封藉之龍文組中夜投君懷當知寸心苦

清風吹華燈明星啟東方起步中庭間形影相徇徨夙昔

志遠遊遲暮迷津梁滅燭從假寐欲罷固難忘浩歎以徹
旦不知淚霑裳

擬阮步兵詠懷

六十一
出門何所適極目延雲容白月照廣川綠颯生清風飛鳥
去天末蕭條無餘蹤置意良獨難歸來扣哀桐
阿環握靈符翩然降桂宮執戟侍清宴佩玉相從容嘉會
雖迢遞畜意無終窮第二八妙娥嫋箏璈盪虛空穆耳注心
感歎焉返閨風懷情不再覩徒乃見狡童萬年獨離傷精
爽誰爲通

涼風西南來吹此浮雲興連蜷相異態奄忽如有憑日暮

靈雨飛消釋如春冰步上商南山揮手謝太清肝膽一胡
越百年非我生明滅隨須臾吾心固不能

石隕睢陽都夙昔爲明星頃刻不自信哀樂異其情韶風
榮腐艸春霰摧初英去日亦已往來日自多驚唯有王子
喬淩空吹玉笙

結士苦不早黃金何足言遠聞悲歌士屠狗近居燕擊衣
欲就之時命忽我遷蟠泥中道困蛟龍無羽翰歸休南山
下日月如流丸棄置平生心荒忽如秋烟

鸞鳥棲開明玕琪映毛羽西日不匿暉永夕炫金縷深心
非世知有時戴戈舞覽德無良期裴回生憤怒慈儉以全

身高深定何補

芳春去我遠九夏行將遷靡艸閱炎日鮮蔓無久延歸禽
避飄風深林相哀喧披衣視河漢惻愴悲高天當時非所

謀及今良固然

白日閟寒雲長夜復陰雨夕螢流溼光因風歛相聚奔獸
不違林驚禽亦懷侶下士情不深目迎心已許悲歌難自
固上蔡餘酸楚失弓原郢客逐日非夸父要領誠不惜孰
爲同艸腐

汎舟浮湄水逶迤青楓林湄水去不息言下湘江渟停櫟
長太息明月照我衿天宇羃廣野平原氣蕭森夕鳥暝不

飛游魚喧籟陰寸心不自得何況飛與沈

鄴臺闕新宮高陽矜廣宅游冶相紛奔追歡倒屐罵黃雀
在粉榆取之若芥珀華山有高士燒金方結客舒卷無淺
心靈蛻託仙迹

燕臺多高風易水揚洪波白日照綺疏冠蓋相經過踔厲
古今間感慨何其多望諸無返駕沮上計復訛黃金臺已
蕪北望空山阿宋子迹云遠誰爲紹悲歌

蔓艸榮咸陽云是阿房宮雛鳳復雙飛莫辨雌與雄山河
旣綑繆宴處時從容挾彈鳴金鏗垂楊驕青驄意氣生豪
族芳塵散春風努力拾新翹無言恤飛蓬秉燭繼白日爲

歡無終窮

長夏生景風飄然過我墟蓬居困果日蘋影過桑榆延睇
望廣天胡爲自轡拘西臺有餘哀聊城無報書生我自有
天憔悴與之俱

白日迴南轍艸木芸以黃時改心易驚衰情隨大荒遠視
無所懷但念有悲涼西暉徐以下微風過墟岡庭宇曠蕭
森披帷延星光

早歲好詞賦文酒相追隨引譽動當時將爲名在茲撫劍
遊廣都悲歌歸山涯元冥共白日何者不吾欺驅馬上高
岡咫尺生金欹乃知楊公歎非緣道多歧

湘水千里來東下巴邱湖迢遞連廣野青山閟幽墟雲氣
浮遠白西南接蒼梧落日登迴岡飛鳥去已孤暝色沒高
樹墟烟下平蕪俯仰求寸心不知意所俱妓女多情向烈
士無窮趨皎日照此懷行歌一歎歎

悠悠青天高不知生所終巫咸已上天欲訴將奚從但見
大壑大壑沅湘者舊集作邱壑日暮生清風驚魚跳漾水秋蛩吟蘭
叢懷我心所欽邂逅相迎逢

浮雲起東南悠然驚西北駛影無淹留凝望滋迷惑前者
既蕭散後來空閔默豈爲仰觀者迹從察識稚鳥空翔
飛馮風鼓羽翼達人知其微馳驅無軌則蘋末生輕風孤

心自相得

念我心所歡遠在玉山岑戴勝冠崔嵬文鸞奏知音妙藥
青麟脂薰風生瑤琴日夕延伫之綿邈心淫淫三五明月
滿光暉發雲林神爽一相接攜手連謳吟企望亦不遐悲
哉年歲侵

楚人得亡弓塞叟有歸駒亡爾亦爲歡達人哂其愚明月
照形影惻惻夫何如回風颶秋毫甯轉造化樞罔彼柔曼
子猶知泣前魚元珠握重淵金石終不渝

心顏誠自我雲容悲素蒼耿耿霜月霽長嘯驚八荒青天
有鳴鴻孤飛不成行聞其哀噭音疑爾悲稻梁所志在鶩

鳩枋榆亦可翔

支祁降橫流十日恣炎焚英靈相委順千載無秋春刀圭
詎偶爾靈液起沈淪鳳笙非世響十載將上賓自信匪無
功勤立丹臺勲

方壺與圓嶠相去無黍米星河流其間日月盪其裏孤遊
忘歲月奇璀璨爭紛詭調良駕河車六龍就方軌補天西北
傾奠地東南委清虛非久居沈淪安足紀

夙昔驚我懷離合遂無端結好在中塗綢繆苦不安飄風
吹落葉夕陰淒以寒握手未及終襄回歧路間駭獸唬我
前離怨無與殫焉得三青鳥從之生羽翰

五言絕句

懷入山來所棲伏林谷三百里中小有邱壑輒暢然欣感各述以小詩得二十九首

庚戌

排子嶺

稍畝綠茸茸平田接回塢橋下流水聲龍湫昨夜雨

獅子峯

飛鳥搖嶺色漸與峯頂齊凝眸絕礀影已轉碧潭西

黑沙潭

苔冷千年綠春寒一片雲回襟避疎兩人語不相聞
續夢庵

舊寢已不續無如新夢驚溪雲霑竹尾滴瀝過三更

雙髻峯

西峯瓦銅梁北嶺蠶荆紫百里見陰燈遙知光發此

黃沙潭

落葉絕行踪隨意披疎篠龍氣動喬木空潭無猿鳥

溪波巖

櫻笠濺飛珠回頭不知處徒倚望前山斜陽轉高樹

妙高峯

陰光浮石壁長如春水生僧歸夕磬後回首見西清
車轍亭

偶然成轍迹古人意何取佇立無與言前峯正疎雨

方廣路

未從方廣遊知爲方廣路定有夕煙霏天光露晴樹

嘯臺

午日尚瞳曨紫光襯元葉暄氣上臺陰香風吹凍蟬

補衲臺

聞有補衲名學之跏趺坐弱葉搖森森竹鼠穿裙過

洗衲池

瀑布良可觀臨之喧不清水簾垂一尺微送佩環聲右嶽後

青谿石門

欲作飛猱度不畏蒼苔深森森開一面斜日照前林

西石門

循壁渡泉橋知有幽人宅山氣動醻酢香聲夜來跡

松紋石亭

僧歸繞曲礀回首望林端遙知愛嚦鳥也向樹梢看

塢雲菴

曲逐峽田上遙期松徑終涼風中嶺合西日一尖紅右祁
邵之

問

鈞竹源

杉竹迷千嶂豆苗榮一灣簷席不相避肥艸隱潺湲

雲臺山

佛宇不可知雲畱高樹裏日落鐘磬聲隨雲度溪水

右零
陵北

洞

西莊源

古樹何年種歸禽來一雙茅齋讀易罷搖影入閒牕

小祇園

宛轉破千嶂平疇起綠煙自然知蘭若不過鳥飛邊

右宜江

小雲山

夕氣澄若濃星光歛清炯林外露懸燈未知何峯頂

昭陽庵

歸鴉度何所夕照移西岑蔭入蔚藍色蕭蕭松檜陰

駁閣巖

欲以貽來者錫之駁閣名終古知不知今茲自含情

桃塢

曳杖行何適桃花一塢紅回塘積落英從君識東風

雪竹山

楊墳一竿竹空外影千尋六月飛冰雪埋心直到今

茱萸塘

綠芭綻紺珠紅泉醞香屑采采及清秋汝南有真訣

敗葉廬

敗葉留不掃鍊錚扣哀絃蟲吟淒切外秋色倍清喧

觀生居

寒月出東嶺流光入淺廊萬心函片晌一縷未消香

右湘西

昭山

乙卯

曲曲見昭山孤青不相舍湘水送千帆凝眸幾人也
終古石自碧深春花欲紅澄潭凝一碧雲未出雙虹

避亂石雞村同載謀小憇

己未

蒼壁不受春轉入溪流曲桃花影外天微波動新綠
飛鳥隨風葉梨花漾碧晶溪山得圓淨雞犬亦蕭清
不知身忽輕已度青茸表疎雨何妨飛林端露清曉

仇池九十泉桃源千萬樹古人喪亂中自選林泉住

五言近體

過芋巖不值

己酉

隱几非疇昔天遊各徜徉古槐珠蕊熟曲岸蓼紅香晴稻
收雲白秋瓜切粉黃呼炊忘主客撰屨已斜陽

深秋望歐子直

蕭蕭夕吹外雲斂一痕青杖履隨天地山川見典型借碁
遲畫紙釀酒已登瓶但覺閑情損歸舟憶洞庭

因林塘小曲築艸庵開南窗不知復幾年晏坐漫成

六首呈桃塢老人暨家兄石崖先生同作

營築非吾道
林塘適物清
吹瓢疑稍釋
逃影妄初成
無悶炊煙損
多微曙月晴
暄風凌小雪
當砌炫冬榮

七尺一絲存餘生
半席溫浮漚
仍往迹山土
認誰恩飛鳥
消雲際幽蟲蟄
草根小東皋畔客
今日暫招魂

小東臯瞿虞山先生

讀書處

一日一生畱無緣
謝白頭天情垂
粥飯家學志春秋
月影虛牕滿雲滋
砌艸柔濂溪香菡萏
孤棹試中流
耕釣傳先志
人知德不堪
釷聲原宿業崖蜜
自先甘寓目
團欒淺初心
冷暖諳鴻踪
沙外雪聊謝
蓋棺慙
病畏朔風寒
南牕背嶺安
林風遲九夏日
影寥三竿乞種

誰家樹旋成幾尺
闌死生還似此
倍覺有心難
隱几願經年
垂楊左肘穿虛空
戰雷雨血骨裹霜烟
縈蝶通幽跡
驚魚遣熟眠
天情隨近遠
何有息雙肩

家兄觀夫之抄橐云
墨跡似先徵君垂示以詩哀定

後敬和四韻

鼎鼎孤生在迢迢
百行非皋魚
身世恨鴻鴈
一雙違斗氣
埋長劔霜風綻
葛衣驚聞墨影似
還欲惜殘暉

二中園紀事爲懿菴作

壬子

雙緋盛花階
九錫崇居然
成綠野何必
蔡州功

萬折厯嵯峨天輸小邵窩書聲花影月曲尾柳鶯歌看卉
人無倦臨觴政不苛清泉四十八何處着風波

卽事癸丑

暄氣熏寒月微霜不改晴光衝西極影月轉北街明川澤
清難已龍蛇蟄不爭乾坤餘一淚長對暮煙橫
仲冬微雨息霜吹捲空晶深紫餘楓在疎黃片柳輕餘年
消永夜寒月約孤清自問滄江侶誰爲共濯纓

晴步

清韶陶始曙涼潤卽新林風定葉當影雲開岫出陰遙禽
如往日近蝶有營心四顧誰天損行歌復自今

上湘旅興

甲寅

寒山猶半綠淺日動浮光習習江南暖淫淫小雪長杖藜
隨鳥度涉澗有花香不信間愁在千峯一徜徉
墟烟何處起渡口已樵歌空外篙音發晴灘柏葉過生平
還艸屢世事儘藤蓑慙媿元真子清時畏綠波

一巘復千峯參差萬壑松夕烟飛不定落葉轉相逢古砦
傳銀穴僊壇記石封金丹及鐵馬吾意定奚從

柳陰誰竹外幾葉帶疎黃浴鷺動金綺夕陽生暗塘歸人
歡婦子明發有風霜居者忘情甚蕭條客感長

山城猶百里戰伐不相知禾黍經時畢冠裳入望疑微霜

開驛路落日返樵吹回念巴邱北銀濤捲繡旗

舟中上已同須竹

客思蕩如何心知令序過韶吹先閏 花信緒風和瑤草
從誰拾落英念已多盈盈雙白鳥著意浴清波

伊山

心識回巒外沿溪曲徑深雲烟開綠畝金碧動青林香篆
迎風入鐘聲過鳥尋蕭清初覺好風雨更幽岑
讀書雲外迹梵刹刦前宮蘊藉清歌日蕭條夕磬中古今
歲客淚勲業寄眞空牛首虛天闕何因臥嬾融

衡山曉發

擊汰遲楓浦歸心就翠微江空雙古岸天小一雙圍嶽氣
雲侵縣墟煙月掩屏松杉回望裡一谷曙光飛

綠潤不知冬嶽雲第幾峯身輕隨白鳥裾冷夾青松江近
前時棹碑畱故國封漁樵知近遠目賞已從容

陳耳臣老矣新詩猶麗遠寄題雪諸咏隨意和之得

四首

居然穿雨際的的炫輕盈高閣今相望遙心一倍生元雲

光漸曙淺水影微縈經歲含情待天涯已贈瓊

初雪

息心寒夜永無奈小牕何惻惻情還定朧朧影未訛空涌
西照合月轉北林多墜玉驚幽響知誰度薛蘿映雪

稍稍墟烟度歸禽尙一雙喧風柔落木珠雨緩流淙夕氣
先孤幌雲陰上半牕懸心清賞極酒力未須降

欲雪

彌望盈清迴還疑溪外踪鴻飛昨日影龍蟄幾株松曲曲
忘前逕山山遂一容扶筇誰早過響跡恰迎逢

訪雪

東臺山

乙卯

百里初見山西暉客望閑半峯明紫樹羣岫倒蒼灣仙館
簫聲歇漁舟隔浦還祝融知近遠清夢驚雲間

草堂成

歸舟湘水北伐木逮秋清鶴館松雲剪萍踪雪徑成南牕
仍夕暝東嶺迂春晴蕭瑟乾坤裏蓬茅亦太榮

早起草堂寓目籬間牽牛花追憶懿菴丙辰

秋色生空外微晴始素暉籬花深碧紫風蔓小霏微酒坐
懷迎日林軒悵啟扉故心猶宛爾何事歲華違

新秋望章載謀丁巳

湘山猶曲曲疇昔故天涯偶合添離恨輕分有後期燈殘
知奔誤月上儘詩遲芳草王孫在閑愁付杖藜

時載謀授館于翠濤

于戈方萬里

搖落又三秋霜鬚久無據雲踪幸緩愁周秦

焚後字

時禮注方竟

荆楚賦中樓鄭重清波意君無忘野謀

寄徐蔚子戊午

黃鵠一癯仙重逢腹已便檄從邛部草詩授鄭公箋柯雨

先徵夢樵風恰滿船褚公池上月珍重到秋圓

送載謀歸吳淞二首己未

相逢及送別都在落花時霜雪添雙鬢兵戈共一枝江湖
空在望天地儘堪疑顧陸煩憑弔吾生未有期
馬當湖水北南望杳瀟湘陸海英雄蹟船山烟草荒客臺
畱蠹簡謁者戀幽芳片石延陵字他年待報章

聞聖功訃遽賦

閑愁生死外回首故人無南望墟烟迴西飛片鳥孤藤花
開獨坐蘿月照霜鬢泉下□□淚艱難付釣徒

排律

詠菊答須竹癸丑

選芳宜隱秀經歲得秋情苗淺春滋弱心微露貯輕啼鶯
無醒夢飛絮謝思繁雨浹浮光上吹暄逸態呈蟲憎痕屢
剔絲繫玉防傾愛惜消長日從容養靜萌荷風熏晚綠蕉
霧灑孤榮葉葉容遲上亭亭有獨擎艱難出畏景珍重享
西清紫葆光初透珠胎潤已瑩竹枝畱上番梅影剪疎橫
專氣邀金液豐仁長玉嬰星榆方厯厯雲朵逐盈盈土德
先推王冰心亦保貞有時浴紫水終不炫丹猩香外幽難
似薰餘靜不攖肅然登鼻觀嗒爾偃心旌龍臍凝誰如簷
葡萄未平霄空霜一色天迴月三更倦賞愁寒夕邀歡暫

晚晴袂辭歧路把目厭滿堂成桂釀聊孤酌尊絲小佐羹
催開辭揭鼓過訪待縵笙已事開三徑端居愛九名同牀
猶各夢顧影易魂驚身後從冰雪魂歸返日精擢芳甯問
落滌月不辭烹君意如想念殷勤訪夕英

青艸湖風泊同須竹與黃生看遠汀落鴈 甲寅

荻芽沉綠影汀際合晶光遙識歸鴻集從知夢澤長雲移
千點曙風轉一行將凝立迷烟樹輕遷動夕陽參差香尾
亂珍重羽衣涼陳列龍沙白書成太古蒼修眉涌鏡曲仙
桂綴蟾光沙起簾鈎盪洲平瑟柱張濤驚聊靜婉野曠恣
疎狂酣寢雲田膩棲心蕙圃香氣矜三楚國神帶九秋霜

整翮聊煙水回翔豈稻梁浣紗人伫久垂釣客情忘悽怨
依筠淚閑愁託杜芳經寒知柳色訪舊憶蓮房北望闊雲
紫西清落照黃息機非倦止清警正遙望平展紋波縠輕
浮玉照肪遙天開畫苑活譜寫瀟湘

七言近體

同唐須竹遊駁閣巖

己酉

昨日初收梅雨天青空四幕碧光圓微風引袂分溪草斷
嶂當眉露嶽蓮片石偶然畱太古同心無待問他年斜暉
已長青松影尚惜苔茸映綠煙

昭陽菴同須竹夜話云乘木葉秋波探五老之勝因

便送之

儘覺當年不易談披雲躡石意猶貪袖圖有迹傳河畫血
字無心銅井函白日只今原不損青山向後定誰堪知君
欲訪匡廬瀑摘去蓮花池上參

不揆五十齒滿懿菴見過畱同芋巖小酌

楓陰荻岸晚烟開鶴膝逡巡踐碧苔隔歲相看顏似舊衰
年無據漏仍催清宵疎雨喧梧葉艸閣歸雲膩竹胎薄遺
新歡消夙昔臨觴聊罷筑聲哀

偶望

辛亥

平田無那素光何稻葉娟娟浸碧波白鳥試飛疑遠浦

元

雲微斷影高柯墟烟小困雙灣樹砌葉全低一徑莎不礙
小牕消午睡鑪烟孤裊緒風和

極丸老人書所示劉安禮詩垂寄情見乎詞愚一往
吶吃無以奉答聊次其韻述懷

洪鑪滴水試烹煎窮措生涯有火傳哀鴈頻分弦上怨凍
蜂長惜紙中天知恩不淺難忘此別調相看更颯然舊識
五湖霜月好寒梅春在野塘邊

宿雪竹山同茹蘖大師夜話

不知情在與無情丈室挑燈魄自驚海濺雲飛千嶂斷烟
籠雪壓一枝輕破船載月浮寒水別路尋芳駐晚晴白護

楊墳莖艸綠春歸閑唱踏莎行

師嗣法嘉興
楊墳山

劉庶僊五十初度卽席同唐須竹

壬子

未解平生因底事華筵詩思不相通逢君懸弧聊莞笑垂老臨觴偶自容竹塾午牕雙總弁梅花小閣一春風童心幾皺恆河水何必襄城問小童

半語逢人吞不得於君燒燭耐春寒年華轂運有如此譜樣翻新孰與看但祝羲和留萬轉長披黃襖到三竿華山呼取墜驢客共說當年行路難

聞極丸翁凶問不禁狂哭痛定輒吟二章

傳聞薨于泰和蕭氏

春浮園

長夜悠悠二十年流螢死焰燭高天春浮夢裏迷歸鶴敗葉雲中哭杜鵑一線不留夕照影孤虹應繞點蒼煙何人抱器歸張楚餘有南華內七篇

三年懷袖尺書深文水東流隔楚尋半嶺斜陽雙雪鬚五湖烟水一霜林遠遊畱作他生賦土室聊安後死心恰恐相逢難下口靈旗不杳寄空音

冬夕

夕風楮葉有清喧片紫西收碧未圓河漢依微傾北戶流霜容與潤高天寥寥空界魂孤往鼎鼎長宵寢小年欲與禁寒邀白鶴齊州不耐暝橫烟

天物何歸剩碧虛霜颯難挽日南車哀絃短劍畱魂夢雪
鬢霧花空贊餘蠶妾報收雙甕酒故人諾借滿牀書不知
哀樂將誰得惻惻寒心逼歲除

詠雪

癸丑

素綃羃岫淺黃通倒影青冥一片濃鴈背皴含天闕景魚鱗雲烈晚簷風乾坤迴合搖山澤形魄孤清接混濛回首少年心緒迴衝寒狂折野梅紅

霰外閑飛幾片輕回瞻平甸已盈盈梅趺出色翻紅粟艸甲棲心映綠晶雲幕空輪千影轉風迴池縠萬雙迎南塘曲岸誰相待不惜明珠百斛傾

皚光晨射凝脂肥海日輪孤膩不飛紅藥隱尖疑月冷梨花搖寤想春暉池雲壓頂圓魚陣松粉鋪翎散鶴衣遙想玉峰長似此清寒應悔學仙飛

清空無際奈寒何萬岫參差捲白波人在冰輪迷海岸天迴平野倒雲窩松風吹咽笙三疊檣葉微留碧半柯不信人間有春日桃花紅雨點青莎

送蒙聖功暫還故山

甲寅

秋風淫淫吹我衣送君言歸君欲歸不知天地消偏側已覺江山忘是非疎星照水方昨夜涼日當襟返翠微青山料理勿取次畱之待我慰調饑

殘雪

乙卯

寒心肅肅擁孤清斷岸無心弄晚晴舊恨半消隨去鴈新
歡難待到流鶯莎叢綠淺愁輕護蘚砌痕欹欹傾夙昔
南枝曾有約不貪春早逐初英

珍重凋零刼後身人間還遇可憐春和霜和月猶前日爭
柳爭花非此辰睥睨青天悲寂歷淹留丹巘賞嶙峋雙飛
燕子來何暮不見瓊田萬頃新

蒼煙黃日久迷離猶有牆東片月窺身外江山還似舊
夢中蠭蝶儘相疑東流徹夜銀濤急平甸矜春碧艸欺不識
瑞香花落後幾人還賦玉樓詩

回塘曲徑偶相依不擬春歸尙未歸向後生緣隨日暮當
時心緒在霏微珠胎含淚禁疎雨玉骨凝寒傲夕暉子夜
輕冰聊邂逅素心元不藉霜肥

長沙旅興

江上紅芽始試春乳鶯調語正迎人人閒韶日還相識花
下暄風已試新鶴杖恰逢苔逕輾漁舟初繞碧波勻乘乘
生事餘年在隨處桃花可問津

郡歸書懷寄懿菴

雨滯花殘不解飛此身無主更無依乾坤何寥寥到清晝生
死難忘只翠微捲暝碁終歸燕緩敲尊歌闋鷺魚肥如君

貧病真天上莫惜清秋共釣磯

出郭赴李緩山之約桓伊山下遇雨

葛衣疎透雨珠閒習習輕風宿暑闌白練半飛分木末丹
虹雙綰護雲關笛聲恰在桓伊步飯顆初逢杜甫山珍重
碧烟開玉鏡明宵何夕照雙顏

萍鄉中秋同聖功對月

白頭還作他鄉客不負青天只月明白笑漁樵非泛宅聊
聽鴻鴈有新聲晶瓶浸魄一雙影玉鏡當心無限情莫爲
銀蟾增悵恨孤清直上卽瑤京

春夕同章載謀看月丙辰

草堂新築延新月夕望春煙散夕清天地空輪原自昔鶯
花流目不須驚東風搖柳拖柔影綠暈莎肥炫露明莫擬
華亭歸鶴怨湘山布穀未催耕

先秋一日作

西峯半影逼天青閃閃斜陽紫焰明木末一絲雲影渡稻
畦千綠水痕平麟洲夢覺餘香雪鶴髮身輕憶鳳笙菡萏
梧桐雙在眼他時搖落不須驚

重登回鷗峯丁巳

碧樹江烟小散愁青輶雪鬢又重遊朱甍如鸞迷雙岸綠
草當春覆一邱縱酒華年凌石級題詩夕雨認高樓漁舟

戰鼓皆今日慙媿乾坤一影浮

遺懷

求僊無訣問蓬壺縹渺神山一片孤溪水冰融隨岸闊天
風霜起任桑枯霜起沅湘舊舊集作聲累田疇死記盧龍塞司馬生慙瑞獸符爲問今宵寒夜月照來還似舊時無

乾坤極目不消愁生事崢嶸祇敝裘漁艇可容人釣雪故鄉還似客登樓探梅的礫丹砂蒂問月殷勤白玉釣儘有風光相假借無妨孤棹試中流

青箬笠還在短牆漁汀樵徑儘披霜明年春在柳仍絮前夜雪深梅自香天地龍蛇消一淚河山烏鵲且孤翔情知

華頂酣眠客蛻骨難畱笑汴梁

人間口耳總無權對影忘言且問天劉宋科名原在苒蘇張車馬自喧闐水沈香篆青煙細海霧空輪赤日懸匝有寶刀隨老病無勞瑩土淬龍淵

桐城余兼尊昔爲青原侍者歸素以來崎嶇嶺外相值見訪爲錄前寄極尤老人詩仍次原韻贈之

沙上鴻踪昔歲心堞樓鶴語舊時林已知罷釣能忘餌何必登牀更碎琴月影偶畱傳鴈字秋聲不斷有蟬吟閒愁杜口從君語爲受青原記荅深

小樓雨枕

戊午

江城二月催寒雨。山客三更夢嶺雲。
青鏡分明知鶴髮寶刀疇昔。揜龍文援毫。
猶記趨南史誓墓。還誰起右軍飛鳥。
雲邊隨去住。清猿無事憶離羣。

長鏹斬朮白生涯。短棹衝萍有獨知。
偶測天心容杖屨。不從人事整鬚眉。
孤情琴外傳昭氏。病眼花前待子規。
閒坐小樓清澈極。垣衣綠潤帶烟垂。

小圃桃花發幾株。暫時瀟灑且江湖。
柳風乍得吹烏帽。燕壘莫驚長綠蕪。
符璽可容徐廣淚。山河難授馬融圖。
千秋歷歷憑青史。不信兵戈有腐儒。

客牕倦雨曉朦朧。乍有晨光半紙紅。
江岸夜喧春水長。沙

汀波漾燕泥。融乾坤卽事容心廣。
老病隨緣自德充。莫問漁津知處否。
綠楊繞屋已陰濃。

春山漫興

青山一曲古今誰。曾向藤蘿挂接離。
古樹幾逢新鮮長。落花聊遣曉鶯知。
乾坤舊日容雙鬢。戰伐隨時老一枝。
擬上懸崖尋片石。苔函無字禹功碑。

碧磴朱櫻始試花。定知紅藥孕丹芽。
晶含斜日搖餘雪。縠長輕風皺淺沙。
遊屐未拋資藥力。漁蓑欲捲過霜華。
堂堂永晝相容得。卧看牕西映綺霞。

雨斂平田一鷺輕。西峯新展半圍晴。
葉光浮上通雲綠。天

影低沈透水清柔草待收園客蘭洽風欲和子喬笙百年
俄頃春情極未羨商山摘紫英

東海無能釣玉璜嶽陰從昔咀金薑刀圭鼎鼎千春白蓑
笠悠悠一雨航碁刦屢翻憐日永琴心自寡到春忘東方
笑爾詼諧甚濫借金門作隱鄉

丹霞白雨夾分霄浴鷺棲鴟各自饒夕爽清吹生水影晴
光片碧動山椒青鞶蹟違珠露紫筍依痕剝玉苗沅湘依痕

耆舊集作分明假借春光安病客天年恰恰在今朝

天年句沅湘耆舊集作不

南國春從積雨過西清雲奈夕先何褰帷陰壁生青蘚倚

杖空墻上綠莎肺病久拏臨下溼心期不但畏風波晴絲
曙月容他日幾厭落英覆碧窩

餘春春閨太從容卽次鶯花老漸慵送夕柳邊斜照淺留
寒雨外溼雲重烹龜自惜千年表放鶴先栽九里松人事
天情宜痼疾草堂曲曲暮烟封

同須竹送芋巖歸空竟小艇泝湘轉郡城有作

誰將今古作浮烟人各爲心亦自憐飲泣當年聞國變埋
心遙夜但天全青編無字酬雙淚赤縣何時慰九泉千計
不如歸尺土飄零人在釣魚船

斷雲影裏泝湘隈回首荒阡半故縷縱使君還生幾歲可

滿唐瓢妨詩思

容春去有重來寒灰墮地皆千載老病逢人但一哀不是
躬園相識久孤山錯擬萬株梅

詠木魚引 己未

觀生居壁粘比歲人士酬贈韻語時復迎目如相
揚搊僕與當世偶一往還觴咏耳亦可不容志之
兵警後爲俗惡寓人盡擲棄之非有長吉睚眦之
怨浪施和仲箋云之懼能使人不氣盡耶唯攸縣
陳耳臣二箋僅存襄回不忍捨目用覺其咏木魚
詩未當作者輒和二章不能寄耳臣差賢於存沒
諸公之逢蠹蠶無從靜對已爾

紺宇虛堂敞肅陰蓮趺直下啟孤音霏微樂句香煙合蕭
颯清喧墜葉侵寥覺乍如星漏永簾垂閒遣梵筵深初機
塗毒難酬得定借驚魚警夙心

崔嵬忘情受衆吹息機何用作鱗而敲空別證生公義彈
指還拈寶月詩馴鵠依簷春雨靜蒲牢息杵曉空知新翻
罷釣離釣句從遺撻槌客儘疑

七言絕

蚤春

王子

側砌新苔透暖融回波搖影碧痕通東風向晚吹疎雨却
送歸雲上淺紅

小牕春淺不中春逕次啼鶯煞惱人忘盡故心消不得夕

烟約莫柳條新

得須竹鄂渚信知李雨蒼長逝遙望魚山哭之

孤鴈哀吟帶淚飛南詢鴈岫釣魚磯尋常鴈塔稱兄弟魚

稻汀洲各揀肥

一期生死有千秋欲語逢人翦舌休剛遣西風吹片葉黑

雲棲斷洞庭舟

青原罷棹石門寒柳岸霜風月已殘欲轉金輪須換面紅

鑪別鑄紫金丹

密之閣老天門司馬俱以是年棄世

赤壁雄風百戰酣新安碧血灑江南大觀綽板先君歇淒

絕吳江老蘖菴

雨蒼蚤與金正希尹洞庭熊魚山齊名時金已殉難尹亦先逝熊公僧隱吳江存亡未審

白楊衰草楚雲天孺子生芻奠暝煙忍淚欲彈須剪燭霜
風偏緩上灘船

須竹赴哭未歸

新秋同唐古遺須竹遊鐘武故城歸坐小軒夜語癸
嶽陰萬片惹雲肥暑氣猶畱凝不飛野逕偶然成遠望江
湖何地卜漁磯

荆榛蒼淺古城秋脈脈蒸江碧玉鉤野曠天低飛鳥度不知何處弔孫劉

野人愛菊亦偶爾種菊滿闌秋已清但爲愛君兄弟好欹

眠閑看綠光晴

閒堂剪燭夜如何銀漢疎風古樹多便把一竿隨爾住江
門原有舊藤蓑

水口道中

乙卯

叢竹低垂過雪斜森寒綠氣透青霞乳鶯啼處春無幾纔
見櫻桃一樹花

走筆贈劉生思肯

故園枝葉記君家兄弟風流競筆花汎宅五湖君自遠相
逢猶幸在長沙

水綠洲前魚艇多也來相伴曬漁蓑逢君翦燭當深夜奈

此千戈滿地何

老覺形容漸不真鏡中身似夢中身憑君寫取千莖雪猶
是先朝未死人

題林良枯木寒鴉圖圖有李賓之題句

未辨斜陽與暮烟枝枝不墮早春前此中無放鶯啼處留
待桃花二月天

便得春風也是枯藤蘿不挂儘蕭疏遙知練鵠過新綠只
似河陽擲果圖

內苑春風萬樹皆文鵠掠彩艷心諧寒山古木啼清怨只
有梅齋與木齋

三十年來認得真吉凶無據自無情鵲聲縱好非歸計塞耳春風第一聲

戲作七夕詞三首

戊午

甲子須臾一局棋人間荏苒歲華遲經年莫爲添惆悵離別曾無片晌時

晶輪不惹少商風銀漢無波一派通博望仙槎容易度何須烏鵲掠清空

織錦無成上帝嗔慇懃長夜望河津何從更得蛛絲裏賸巧年年乞與人

梅花

墟里寒烟罩斷橋年來春色最蕭條船山半曲清溪裏霜日黃曛一樹遙不知淺素更輕紅遙望長疑煙靄中除取梅花心自省看花人隔小橋東

老眼看花似隔紗臨風偶愛一枝斜香生微暈初輪月紫透輕魂破體砂

開從小雪入新年雪如霜侵不損妍珍重深寒禁凍蠟低飛不過淺闊邊

樂府

石流篇乙卯

石上流水漸彼蒲英滌根孤弱植芳不傾撫我平昔居然
既往攬景無及何用追賞水無旋流卉木有方冬春屢易
天故不常一善可師萬端方迷授我坎坷天故不齊浩浩
方隅茫茫圓軌有命艱貞繫惟今始悵不可長逸不可終
含默難言孤置我躬烏元鶴白其辨易知分芒析微何者
忌疑

雉子遊原澤篇

雉子遊原澤茫茫非故林寒秋草葉短離離露華襟念昔
志節士抱道闊飛沈龍爭而蟻屈華屋若邱岑輾轉萬變
內崎嶇北與南若辱全大白皎日破重陰寤寐豈不思力

弱無能任申旦勞太息悠悠但長吟

門有車馬客

林逕晴風生鳥雀喧夕樹策馬何方來遙遙駐光度依依
相慰深轉轉將情愫繇言旣不輕珍重託微諭仰睇青雲
飛光采殊新故各有懷心端孰爲目擊遇耿耿非自韜殷
勤慎維護

夜坐吟

長莫長冬夜寒明霜流空天宇寬朱燈明思未闌昔日之
日未足歎今日之日百憂攢古人不可問流俗空漫漫吾
何歸歸何歎明星爛晨雞喧抱孤心臨萬端

豫章行

遵塗出郭門待遠有來期新歡寡所諳舊好良多違分手亦已薄彈冠安足希洪流從問津危岑將共之商山非孤雲海濱有雙儀夔曠誠不作吾生將見欺

順東西門行

良夜徂皓光盈東方厯厯白日生酌醇酒吹華笙閱世迢迢心不驚發清謳盪閒情九州萬年誰相攖乘逍遙歸太甯馳騁無羈驅空口口口口

猛虎行

塗長不息空舍亭道迷不隨飛蓬征飛蓬無去心空亭多

夕驚寸心有端緒歧路勞屏營銜憂非死亡膺福非華榮
危塗厲修節游衍悲憫零

短歌行

臨觴不辭當歌不悲明月遲空天漢離離南有玉衡北有營室明明兩間達者自逸鴻鴈驚霜飛必有鄉鶡雀棲遲東西迴翔登山善疑臨水善憶古人有心千秋不測東望碣石大海環之橫波施楫誰能代持陳餘絕交馮衍悲老佩玦千金輕喪其寶剖臆出心與天而遊回風在御何用繁憂

箜篌引丁巳

河水流蛟龍遊我聞昔夾神禹舟斥以蝘蜓爪角弭后啟
云維神禹子駕之驂驟渡河水非不欲公效其美公非夏
后與子孫胡爲與之爭吸吞天風有靜波有馴公雖欲渡
姑逡巡

歌行

寄和些翁補山堂詩己就聞翁返石門復次元韻寄
意己酉

無字之碑誰帝虎無絃之琴誰宮羽角尖不挂羚羊痕隨
意天花散春雨我公昔浮玉沙湖湖上突出孤山孤補山
未了公南返螺髻修眉半有無下士之見不越咫謂公勤

勤補山耳支祈平吞江南之雲江北夢息壤欲堙何處起
公笑捲山山爲藏沅湘舊集捲作掩青蒼縮入榔杯裏折脚鎗中
冰不腐煮爛須彌將芥補湖南空有青蓮七十二萬莖總
不入公補處數無土不現補山堂崢嶸日月開幽荒飛來
之峯彈指已過洞庭水北山愚公嗟彷徨

粵奴初識雪歌

翦髮粵離年十四聞人說有霜雪字正月梅殘度嶺來桃
花柳水春流膩經年絕望望南天落葉黃雲棲暝煙飄空
冉冉光搖目疑絮疑花兩不然心知是雪情難決借問方
知寒雨結此生今日乍相逢掬玉尋香向誰說可憐覲面

未相親故是陽臺夢裏雲垂楊風細梧桐月總道龜毛重
九斤

孤鴈行和李雨蒼

當年回鴈峯頭住鴈影雲開天際路夫君縹渺鴈峯心遙
寄湖南烟雨渡誰知白鴈杳寒沙斷使青峯遮日暮日暮
雲迷鴈陣哀逢君千里鴈書來欲分寶瑟銀箏怨似向沙
明水碧回一水盈盈烏石戍千秋渺渺楚雲臺楚雲臺乃
蒼五世祖大崖先生讀書而築白沙留雨楚雲臺高芳草齊湘干北望鷗鵠啼虞卿
著書亦何有建陽賣卜還自迷瘦影難雙矰繳滿寒更欲
警露霜淒清霜白露飛不前亭亭片月當高天前身憶住

青龍寺血蹟還埋古井邊遙飛尺帛君邊去沙上鴻踪隔
暝煙

讀涇陽先生虞山書院語錄示唐須竹

涇陽先生不復作涇陽遺編懸高閣彩虹垂天漫璀璨大
造徒爾鼓空橐永陵之季狂濶驚倒吹枯瓠爲玉笙平地
躍起攫光影失足猶漫誇輕清先生兩足不妄插矗立欲
撐銀漢傾鳥舌無從說鳥夢人頭定可作人鳴毫髮析作
千萬片一絲獨飛挂匹練亭亭萬歲終不欹世人皆見莫
能見嗚呼乎吾不知麟衰鳳去將誰傳區區下界繁寒烟
秉燭對讀過深夜詰旦赤日生高天

聽月樓倦客歸山留別翠濤王孫

我謬聽月樓已久不意今生登此樓樓前湘水膩碧玉網
細紋波送遠秋我有狂歌知者誰古人不作今人疑夜闌
酒熟相對笑男兒不受雙眸欺我今歸臥蒸南谷黃菊將
開酒將熟爛醉三萬六千年柳生左肘石穿肩君勿疑我
不相就聽月無聲月自圓

效柏梁體壽王愷六

鐵牆拗頭綠鳳棲就君踏花蹊香泥君今僦宇當湘西陽
禽回翼空悽迷人生卽久如躡梯駸駸不舍相攀攜我旬
過五君始躋欲呼蒼天問端倪誰爲龍翁配虎妻活汞煎

之如嬰啼東兔藏金西木雞戰酣四壁休鼓鼙得之圖中
一刀圭與君分吞如餧餧倒騎白衛馳丹霓俯聽蟪蛄聲
益低長笑爾曹延蟠螭睨高欲就終無稽我摘月華沁心
臍君胸洞開消日鐫斫鱗爲脯堯韭鬱團星作餅甘露醯
命鸞歌嚙如黃鸝羿妻婉變出金闈疑貞疑謔相嘲詆然
後與君歸湘溪嶽爲部婁湘成蹊三皇五帝重攝提如此
與君終不睽乃稱丈夫心交締非炎索箋寒就炷短歌隆
隆蒼虬嘶千春萬朔留品題

風泊中湘訪張永明老將弔孫呂二姬烈死讀辛卯
以來諸公獎貞之篇放歌以言情孫呂事詳故中舍

管公記乙卯

昭潭萬波疊霜縠南望灘江暮雲綠驚鴻叫雲天不開秋
夕孤飛遙痛哭二十六年春蔓長我與張君四鬢霜衰顏
不死猶前日湘女空靈鬱杳茫茫峒雲結煙草貞魂不
舍蒼梧道哀歌血淚洒青天管子嗣裘金郎堡而我悲吟
獨待今二十六年愁埋心左掖蒙生俱未死軍中彈淚秋
陰深嗚呼乎往恨迷離無再說一死人間萬事決君不見
張君二婦灘江濱俄頃千秋如截鐵

梅陰塚 戊午

船山老人幼女七歲許字友人唐君之子者以戊

午八月夭敗葉廬左有梅一株老人夙所翫息廬
圮梅存因瘞其側老人女蚤曉字動有閑則嘗自
言使我且死必不亂垂亡果然老人哀之甚且恐
此土爲樵犁所侵詩以志之

秋露溥梅葉丹莎根草蟲吟初寒梅根千年蔭野土鶴髮
衰翁淚如雨梅葉落梅花開棠杜無人廝逕苔寸腸蠹立
望思臺

六十自定稿終

七十自定稿

船山遺書 五十一

衡陽王夫之譔

五言古詩

翠濤攜諸子遊瞻雲閣有作見寄遙荅

庚申

嘉遊成疇昔企歎奄方今金閨鬱龍種玉山宛鸞吟遲向
深秋興搖蕩先春心足知襟帶敝遂及松檜陰大雲峙霜
蕪虛室函霄岑緬彼鶴上客所懷玉槧斟聲息墜人間羈
繙逮幽林無乃大還訣猶爲陸海沈甯含衣中珠撫茲絃
外琴天問固難酬孤心還自謳願言雲關閉勿驚雪髮侵
春盡有會而作

辛酉

春生情未極序改心難爲俯仰各有會踟蹰良在茲初暎
耀幽砌夕風鳴遠枝清暢遙天感遲回碧雲期胡然屢天
損耿爾視星移逝川非昔歎歧道有餘悲空霄難仰問圓
規無返曠雄劍不偶合雍琴長自疑懷袖有瑤草將爲贈
者誰

始冬寓目

東峰展蒼翠夕陽散平川天容函空謐闡緩飛孤煙寒日
將易暝秋心仍未捐恍慨寄寥廓通幽無緒言霜氣警歸
息墜葉飄陰喧迢遞佇清夢遠遊驚八埏

和周履道對春雪

王戌

靈雨從雲崖回風結寒囊蕭條韶年始搖蕩芳春情驚珠
無留綴碎玉有餘聲遙天益以邈空宇含微晶燈夕滯九
微梅月延孤清絰彼蒼江釣應同瑤圃征

和高季廸風雨

風雨適在茲歌歎無與言人事杳無緒天情亦易遷懷抱
終古間曲折固勿諉腰鎌入深雲荷薪續午烟聊爾爲晨
夕不知經歲年思彼信陵客曾爲陳監門

春初雨歇省家兄長夏庵□□□□中惘然有作
懷聚瓦昏夜惻然華髮驚零雨迷昏旦修塗阻遠營惠風
啟夕光欣緒慰良征披榛幸不違悲喜交含情含情夫

如何忘言自閔傷視彼雙飛鳥曰暮亦得將摘草勿絕心
渡水勿絕梁居然成迢遞慙爾隨韻頑 韵頑悲以鳴歲
序無更待鼎鼎懷昔歡悠悠有餘悔采彼靈藥非匪值青
鏡改曷穀念鳩飛無枝念木壞 壞木無再榮令緒唯須
臾如彼虞淵日卽次非東隅百里望嶽阡將爲茂草墟良
惟身事闇豈云天運殊 運殊不自今物理難前測陵谷
生人心波流驚涼德琴書素業移孝友先聲息白髮對懷
憂中夜長閔默 閔默復將離行行度陌阡岡花自蘿靡
溪流祇迴旋天舒望益促形遠情未遷胡能返昨日局意
其林泉

熊男公過訪

遙山清露條木末素月上佳人不違此適爾成元獎先彼
涼雲陰心知畏景往靜氣欣相移天機繼以長夙昔扶清
剛獨唱闋幽響周道信逶迤衰行生惄恍炯炯河鼓星迢
迢天漢廣津梁誠有待良會仍多爽云何衰景及邁此西
清朗百年如九秋一意諧雙賞我聞綏山桃醞彼靈胎養
餐之踰萬春握之在孤掌下士原大笑上士成獨享君其
遂方今縹渺慰雲想

寒雨歸自別峰菴寄同遊諸子

晨光留宿溫山靄動雲葉遙遙相送情恨恨念寒涉憐無

金母術爲返桃花曆彌天存鶴髮餘冬酬素業壯心已分
屬微緒望孤接清歡唯夕燈高論寄靈笈四海目可營千
秋志何攝旋歸互不忘物役情難協溫伯道默存蘇門嘯
雙愜夢聚相頻仍心旌固洽浹曠懷杳涯際冥合無鉅捷
霜聲警昨清緘之以重疊

瓜圃夕涼甲子

微月流西岑初螢明青刪夕雨一以息樾徑珠露泣宵爾
釋煩疴冷然得靜善吾生豈不夙物役固未淺往昔從棄
捐今懷何繙縕精靈寓天宇昭滌隨游衍所思來者遙孰
俟心期展脈脈霄漢閒悠悠寄孤撰

其二

清士抱夕心畸人含夜悲幽羈怨難已滌覽情自微兩端
趣有定一致交易虧今茲何惝恍搖情懾分歧緒風愜涼
襟宛轉動素帷披衣視霄漢弦月流半規居然無外攖瓦
爾捐中疑還睇天宇高今茲素節非萬族同轂轉吾生甯
依違戢志受天損非云懷坐馳

冬日晚照書懷

山滌淨西清層雲仍南飛夕光相宛約霜氣乍依違深紫
明峰色餘綠滋垣衣仰瞻零葉墜時有寒禽歸緒心同羣
動斂息無餘機收照光自炯專榮道已非晴日容相借行

將陟翠微

西岡望南嶽

乙丑

山行逕云遙遙山隱絕巘巘絕羣岫分曠覽得平善雲陰逐參差鳥沒迷近遠微睇望已盈延觀秀自行登陟儼昔遊羿闊仍今展今昔無合離流峙終縋繩長轂軌不遷貞觀閱已萬天宇信若茲予懷何歆羨

秋雨延旦曉起有作

夕星炫西宇山影分空界清氣儼流沐薄吹振幽籟息疴方及晨窺牖驚已曖物故天所憑軸轉無相逮秋荑或暗滋歸鳥已前邁孤碧尚流連逝羽無芥蒂翩翩海岸心惓

慙寒畦態榮謝在斯須動植有昭昧所以天閑情臨之發深慨

雨夕夢覺就枕戲效昌黎體近夢

沈陰夕已長噩夢魂相撓霜鬢失其真童心來愈巧身輕月離雲心閑日出卯鬪艸康樂鬚撒米麻姑狂歌演末泥舞袖試郭鮑雲冠蓮葉捲綵杖柳枝拗尋花鼻已醒遡風咽屢飽攬菱忘水濺拾豆就炷燭倏忽攬孤衾涼颸襲雙骭故情雖不永清歡幸已稍籠雞既爭聒被蟲復羣敵夢醒夫何爲無妨恣狂狡

吟已猶不得曙再次前韻廣之

生氣紛去來屈伸無能撓腐儒分夢醒離析恣智巧畫雞
厭元旦治銅鑄剛卯辟火養鵠鶴驅瘞挂蟹爪庚申囚彭
倨己丑訃陳鮑趁火螢尻張垂涎瓠項坳染指易爲瞋老
拳競相飽療妬倉庚烹呪鬼鵠留燭唾星釀流光占吉灼
羊駭漸老嘗已熟觀物覺已稍石女孕自生鐵牛蟲漫轍
因之參寥遊不畏蒼天狡

翠濤喜雨見懷病枕賦答

丁卯

靈雨自南來飛集東皋野伊人遂欣暢良懷寄遙寫羣岫
翳回風垂虹散清灑朱光榮藥煙念此拘拘者

冬日雜興

旦氣息微霜流雲起相聚喧風動林葉疎雨鳴高樹夕字
還昭鮮物變何匆遽寥寥下土人邈彼高冥路終始閱遷
流孰能測其故今古歸有涯云何永依據

零露潤枯桑連回辯故枝栖禽深婉嫕欲與終因依竟夕
不相保何況延晨吹晶宇垂玉繩瑤光空陸離羃厯千萬
里含心當語誰顧影追疇昔韶風漾芳時下暝清江滌上
承靈雨飛時哉不再覲羣情自紛疑詎知幽悄懷時爲夢
中期佳序還在目榮光瓦歲蕤

始夏

戊辰

午睡過微雨西清引涼吹雲光逗新葉浮綠起新媚文禽

時一飛水影搖丹翠物故有今昔化理無榮悴遙知薪指窮未始天容替閱變遞紛擾損悲任流逝嗣者無適期遐哉憫高寄

詠歸燕

涼葉飛不息凋荷尚孤擎海天杳何許層遞秋雲生棲鳥鳴高樹焉知歸燕情

庶仙片紙見訊云年過七十未爲非幸無容局促榮心旣佩良規因之自廣己巳

素雲方西飛歸鳥仍南征遷流無止勢蟄動况有情天宇敞寥廓虛牖延孤清竹素涵前古靜對終吾生故交惠尺

書整襟拜投瓊獎以息吹萬因之返素精寓形良有涯勿爲化所驚

歌行

春月歌

晴風初暖溪光紫楊柳風輕吹不起迢迢璧月背雲飛搖蕩春雲映春水春水涵空倒碧天金波微定影初圓花趺紅斂垂珠露葉底苔平綴玉錢可憐月落留難住可惜春光來復去昨日梨花已起風何時柳絮還粘樹柳絮梨花早歲春芳郊草軟素光勻綠窗竹葉飄鸞尾白袷落英照錦鱗當時不解留春在月落月生春易改胡蝶香迷夢不

成碧桃花褪芳誰采采芳踏月當年客雙鬢銀絲欺素魄
嬋娟不解古今愁斜轉空山邊輕碧

來者之日歌

來者之日還如昨今我云胡而不樂去者之日一如今徘徊
今昔傷憂心東風吹柳鵝黃垂千條映水搖修眉一片
輕飄墜秋水葉葉零零飛不起還丹空煉素銀芽老明西
度南關坎坎生倏忽如朝霜春日不長冬夜長行人攀折
莫長歎豹皮留皮王彥章

寄題翠濤新齋

丁卯

湘西開竹館綠淨清溪源垂釣不在魚讀書欲忘言欲從

不能心自飛白雲奈爾輕霏微

倣李鄴侯天覆吾歌廣其意示于禮

天覆吾地載吾元氣紛紛屑萬族靈蓍茂艸爭昭蘇栖鳥
在林魚在水而復生我何爲乎絕粒升天等龜鶴靈椿五百
還凋落鳴珂帝都亦鶯燕金衣元珮喧清甸鄴侯以此爲
丈夫漠漠天心誰許見丈夫昂藏自有眞父兮生我天
之仁一針義利分子午萬國胞與誰主賓蜩涎篆壁勿輕
惹螳臂當車莫浪嗔丈夫愛嗔復愛喜落花笑看隨流水
孤月離雲雪練飛渺渺寒輝千萬里靜如池影涵青天動
則春風送花蘂君不見鄴侯晚節知前非嶽頂讀書雲滿

衣晶冰徹底纖塵淨玉魄當頭素影肥青蓮七一堆螺髻
萬軸當年金簡字千年欲識丈夫心獨上危峰攬蒼翠

五言律

過李爲好山居信宿

紫雪桐花落綠烟莎艸凝閑墻斜日轉薄簾緒風勝消息
中宵酒過從大古僧淹留春病減君似一條水

其二

忘物仍憂亂孤遊託耦耕年華皆昨夢風俗到今驚閉戶
生涯得挑燈笑語清欹眠安枕簟恰有曙光晴

伏日

朱火彌清晝涼宵候久晴光搖千嶂迴風定片雲輕老病
從欹枕交遊憶耦耕東方何意緒割肉傲公卿

臘月一日寒雪有作

是日爲先徵君弧辰間之先慈云泰昌庚申大凍杯孟凝沴

前夕雪花飛晶光颺素暉半峰黃葉小孤樹暗禽歸生理
隨霜鬢寒更夢舞衣庚申慈氏說壽酒素瓷肥

將夕

辛酉

餘春矜斷雨將夕斂重陰谷口延西爽雲光敝半林樵歸
依曲曲鳥宿漸深深藥市虛城郭歸人阻碧岑

復病

消病一春長藤蓑挂艸堂親知勞送蜜蔬筍慰休糧劙鼻

苔侵澀書函燕墜香侵凌看柳絮亂撲一襟霜

示劉李二生

不作少年心憑消白晝陰黃梅何日熟橄欖再來尋追蠡懸無幾龍淵老易沈他時間吹笛莫遣憶孤音

得嘉魚李西華兄弟書追憶雨蒼

湖水阻青輶南遊弔大崖世卿先生自白沙歸遊南嶺史血函埋遺怨留鴻字雨蒼舊作孤雁行見寄孤吟閉鹿柴郎君勤慰藉難遣老夫懷

中秋向夕自觀生居同劉生小步歸艸堂月上二首返照一輪微行望不違疎林迎緩步薄影上輕衣雪練

空初合雲波靜尙肥閒心謀斗酒未數艸堂歸

其二

秋清猶往昔老去得從容簷影分僊桂珠光浥瓦松葛巾飛鳥度霜鬢玉蟾逢他日酬今夕雲籤在別峰

偶題壬戌

禾稻頻相望鶯黃幾日深人間又秋色垂老足閒心夕照明歸鳥高林接暮陰前峰初上月約略半林侵

人曰癸亥

夏麻留人日春深淨曉天池水輕破綠初樹淺含煙百福宜他歲孤心惜暮年迢迢春賞意還看野梅邊

初秋

通閨秋期早餘蒸宿雨停流螢孤一照烏鵲緩雙星蘋葉
風初定藤花露已零青蓑仍夙昔蕭瑟漸漁汀

其二

夕綺搖虹影疎雲上碧波中宵動雷雨斜月半星河世事
殘書耐吾生睡眼過青楓無限葉珍重響危柯

其三

昔昔秋猶在勞勞老易侵寶刀蝕虎氣孤鏡吼龍吟涼夢
驚難續閒愁病不任江山留九辨未許怨登臨

歲早

甲子

雪際帶春生池水幾夕輕寒心猶繾綣雨氣半蕭清客至
拈桃笑禽歸試柳晴衰年宜緩緩歲早自含驚

客至

病眼忘春賞芳辰競客遊折腰原早歲欹枕自前秋宿菜
水芽盡寒膏炷影幽歌聲金石發莫爲子桑愁

初夏

微雨收難定孤雲遠自歸晴絲輕相逐燕子不停飛回
嶺通羣綠清光遶四圍天情隨意緩珍重徑莎肥

其二

裏裏消春盡勻勻看暑生花期隨夢往病骨喜衣輕藥裹

蟲絲剔茶煙柳絮迎故人縫素在裝裹趁初晴

待于禮

望望還相待悠悠問此心禽歸孤樹夕月上半峰陰稻徑
迷迂折荷香送淺深琅然琴韻在莫只動游鰣
先開過問病贈之

迫迫寒威甚惺惺久病如紙窗明半榻爐火擁殘書法相
沙踪雁交情靜夜魚天花飛萬片祇媿淨名居時雪大作
南天元氣合始夜素煙圍薄靄孤星出林風幾葉飛古今
銷永夕書卷揜空扉此夕關河迥殘燈一影微

冬夕

紅葉

乙丑

寒光煙際迴極目乍相迎落日殷勤照霜空斌媚生清波
凝水碧白影襯雲輕红豆誰持贈南枝未早榮

其二

幅幅江南畫蒼山點絳紗桃波疑候雁鸚鵡咒寒鷗垂笑
風難定輕飛日易斜朱顏矜老壽誰是白雲家

早春餘雪屬目偶成

丙寅

溼雲飛不起一半雪光欺藥裹猶疇昔鶯花笑幾時烏藤
苔露墜白袷柳風吹知否韶華借閒心早自疑

夏夕

西清開一曲明綠半溪深白鳥回峰碧青林渡水陰荷輕
初露墜風定暗香侵隱几吾生事蕭然不自今

爲家兄作傳略已示從子敞

無窮消一淚墨外漬痕汪故國人今盡先君道已亡蒙頭
降吏走抱哭老兵狂正可忘言說將心告烈皇

元夕獨坐

丁卯

深碧繞峰峰寒雲釀自冬艸心栖宿雪山溜隱宵鐘雙淚
初春盡孤燈丈室封梅花憑笑問莫不許從容

晦夕

初暄留宿雨向夕儘歸雲遠樹山鐙暈流螢溼霧熏天情

餘穀魏春賞憶殷勤蓮葉無情甚波光一半分

四月一日

莫更惜春光條條愛景長棟花三日雨燕子一襟涼魚影
深搖綠梅腮已上黃韶華讀史過天地儘清狂

秋日雜咏

夕風吹不徹斜月數峰陰雲暈孤輪影珠圓曲港音涼雲
餘一照碧漢已雙沈厯厯秋光在當時憶此心

其二

疎雨定池光荷風一袂涼雲峰雙岫合虹影半輪藏日落
風無定天空望愈長欲歸雙燕子不肯睨橫塘

其三

清賞閒心卽餘年一日賒稻收尋麴艸水落理魚叉選徑
違晨露除棚看晚霞木樨香近遠初試半林花

其四

物候天涯改秋心閉戶知露垂窗影亂雲薄曙光欺密字
微吟緩疎藤上紙遲蘋風相假借小住得支頤

其五

曲沼依樾徑烏藤試往回黃花釵股荇文石錦錢苔蘚葉
擎孤翠榴珠啓半腮天情物未損莫遣早霜催

其六

平湖知落鴈曲砌已吟蛩短棹清波夢幽窗墜葉風生存
今日事秋老一林中天問憑誰答溪雲揜斷虹

遺闕

宇曠清空迥殘輝杖影斜林疎雲度曲冰釋水澄沙風綻
丹砂子霜滋錦纈芽水仙香孕綠珍重試初花

其二

湖吹喧平野微暄釀一坳晴光分竹暈霜液墜藤梢地錦
顛當網雲帷巧婦巢無人從載酒不受艸元嘲

小步

戊辰

林塘春雨夙小步愛微溫風定開池影雲收齊燒痕青珠

垂日給綠綬綰天蠶慰藉韶光甚新愁未許存

燕

燕燕過春久遙遙幾日歸斜臨波影轉閒棹柳花飛小住游絲弱橫陳蝶依春光隨繚繞清賞入霏微

夏夕

試暑方前日重陰疑凜秋雲封雙嶺合螢亂一星流閑化知無盡爲生果似浮不須多病後始擬訪丹邱

落日

落日隱歸樵回峰騁望遙平波雲影靜素練晚煙飄春氣驚先入年華果易消溪梅無意緒綠潤上新條

排律

見諸生咏瓶中勺藥聊爲儼句示之

庚申

二十四橋春何年度楚濱感君垂采折芳意在橫陳露琲留珠箇雲屑起絳鱗弱莖擎亦定細纈展初匀縠罩茶煙淺暄迎酒暈新芳侵鑪氣合斜倚畫圖眞飛閣高承幕垂瓊近拂巾綺霞疊一色香月上重輪簾蝶魂如夢籠鸚呴懸愁傾白醉莫遣聚朱茵愛惜終香閣飄零遠陌塵冰紋簇紫雪芝彩涌黃銀錦字啼鷗就清尊倒蟻傾韶光易消謝持慰擷芳人

先開移丹桂一株於窗下作供爲賦十六韻

癸亥

靜館香成界空林影結鄰道心難舉似清供不餘塵僂種
遙移月濃芳偶借春雨輕虹一色霞近日重輪偷藥朱顏
駐凌雲紫氣臻靈砂初破體金粟化生身南國霜殷橘江
臯日射蘋忘憂添妙藹晚醉厭工顰落照疎林暝形雲細
纈勻深靄湘瑟甲乍啟散花唇宿火沈膏炮蘭鐙錦罩新
珊瑚枝撐玉魄丹藥煉金神蓮墜留房露榴函儘姑津商芝
分煜煜琴鯉想鱗鱗彩霧通鑪篆幽芬上麝巾赤旃檀蔭
合誰道苾芻貧

詠風戲作豔體

約約輕雲斂勻勻晚氣涼不教留鳥夢何處有花香繡幕
鴛回翼蓮燈葉墜黃窗搖三疊水簾盪一波湘寶鴨纖絲
亂箋鸞密宇藏低回穿藥檻幽悄度蘭房結束舒桂帶繁
紆繞綉囊佩交情未許芳襄妬何妨卻扇從花笑飄裾趁
艸長微溫聊竹塢無影到銀塘繫臂蛛絲纏當釵粉絮鑲
蝶雙愁易失燕冷怯歸忙勻汗乾珠琲迴襟漾水光停凝
憐瀲淚端重笑垂楊暖閣局金鑰鞚輕賽錦裳暗塵禁冉
冉簷馬錯琅琅藤合搖陰碧菱開漏鏡霜遲歸貪柳影密
語間松簧絳縷穿針亂花鬚鬪艸忘閑情迷蘊藉春思儘
清狂卯酒消微醉雲鬟亂夕妝知誰千里怨帆影望歸航

玩月

丙寅

雲際徘徊月高天不損寒三秋今夕未萬里幾人看霄碧
雙搖淺金晶倒暈乾平開千頃合孤涌一輪安臺玉擎菱
鏡胎銀煉雪丹珠方斌媚金藥儘闌干陰木飛燈暗輕
柯弄影難浮浮蒸寶閣粟粟潤珠團碧瓦勻匹練筠簾透
素紈微陰知瀲灝深綠隱檀欒天水雙輪浹空明萬染刊
停凝聊旖旎清絕且磐桓蕩白生虛室回光轉曲欄酒魂
雙賴褪潮血半絲湍稍覺流霜膩無妨曉吹酸懸愁楓岸
側明夜半規殘

七言律

唐如心見過

庚申

春草初生雪霰零山山曾踏幾莖青居然天地成今古何
必雲嵐不典型執戟漢亡誰載酒尙書秦暴有傳經憐君
問禮當深夜急難原頭念鵠鵠

其二

酌酒無多剪燭長凌侵冰玉蹙寒塘贈雲有意尋宏景賦
雪無心付謝莊璿瑣雲痕開遠碧流鶯柳色競新黃晴光
倩送青輶去分取狂夫一半狂

元夕

辛酉

望月玲瓏出淺霞背人約莫數年華垂楊向夕驚新綠蠟

炬停風結小花寂厯影堂香篆靜蕭清春逕蘚紋遮南瞻
欲問平安竹好護劉瓛處士家

春興

嬉春遲暮老廉夫長臥歸休舊酒徒不分傳家三傳在從
來亡國一身孤玉錢月影窺雙鬢碧海雲波認五湖一儘
龍鍾供世笑蒼天還識老狂無

其二

樓空山遠溼煙蒸返景長天暝色仍千里湘臯歸雁雨九
江春水釣魚燈馬殷家在生新草陸遜營荒挂古藤夢裏
白蘋洲上月遙遙北渚接黃陵

其三

春風仍上柳絲邊爛漫生涯醉暖煙垂老田光無酒客相
知甯朔有龍淵平臯漠漠飛新燕磽道陰陰響細泉荏苒
棲心訊芳艸劇將嫩綠逞華年

南天窩授竹影題用徐天池香煙韻七首

空明片紙涵晶瑩微惹驚蛇一線灰白社原同匡嶺寺青
山不染米家堆偶移淺碧騰騰合小試光風灼灼來疑是
清江霜月好孤山斜惹水邊梅

其二

月華欲上不得上晴光一倍償今朝輕雲疑爾還相揜宿

霧初蠲忽已飄低亞
殢人相綽約回波響遠試逍遙翻然
欲把浮邱袂冉冉雲輕隔海潮

其三

心通無地更詢他
隔院風生乍染魔垂手舞因輕帶鳥扶
頭醉且厭堆螺微涼羽扇頻搖曳半睡僊裾自沓拖安得
千尋看月落憑將澹遠問東坡

其四

幾枝略點紅鱸雪片晌聊依篆尾香稍惜晴風吹不定還
愁落日去偏忙露珠暗墜驚魂起暎暎斜輪數葉涼清瘦
自憎臨繡幕湘紋巧映竹方牀

其五

憑闌覲面不相知
邂逅晴窗瞥見時淺黛斜分臨曉鏡落
花輕惹上蛛絲萍開綠水魚情得葉墜幽光鳥夢奇活色
暗香難舉似浮漚目醉共清嬉

其六

時爲先開訂相宗並與諸子論莊

色借明緣還似幻白生虛室不曾遮老夫偶夢看成蝶諸
子忘弓莫問蛇月滿桂難虧玉魄雷驚春已長花芽何須
玉版參離合丈室天空散碧霞

其七

根窠休訪午陰圓斜上幽窗倍可憐
暝字不妨遮粉本談

經適爾點青氳高秋已瘦餘清泚積雨欲消待往旋晚照
乍移莫悵望還將鳳尾舞嬋娟

徐合素自南來抵郡城遠訊船山代書答之尊世父
閻公從海上卒於嶺表廿餘年矣因寓我尙爲人
之歎甲子

梅霪風困藥爐烟乳燕啞書墜枕前夢裏短衣看射虎重
來高柳怨鳴蟬歸舟知汎桃花水荒徑將尋箭筈天莫問
霜髭今幾許君家松柏五雲邊

五日前一夕唐如心以近詩見問病廢夜讀久矣卽
夕口占寄意

榴花因雨不得紅溪蓀浹露青煙叢明朝誰續五絲縷新
月初彎一綫弓楚國神絃惜往誓山中桂樹思悲翁紙窗
晴日能相借錦字憑開霧眼空

寄周令公

湘波一尺阻東西湘草湘煙入望迷碧海相看消鏡雪丹
經何術煉銀泥歸舟吳越迎歌扇潭水滄浪廢杖藜問訊
綏山桃幾熟飛花好寄五陵谿

病起連雨四首

爐煙平斂晚天清病起閒愁也自輕風定小容秋葉緩月
生微放雨窗明江山他日仍如此河漢經時已早傾荏苒

嵯峨留瘦骨黃橙丹柏看冬榮

其二

荻花風亂撲人飛夕鳥雙峰一線歸暑病乍清憐雨氣寒
衣姑緩待霜威龍腥秋澀雲藏岫鷺影光寒水上磯幸不
登臨悲往昔遙天白靄翠微微

其三

白髮重梳落萬莖燈花鏡影兩堪驚水金丹訣聞方士土
木棗膏累友生故國餘魂長縹渺殘燈絕筆尙崢嶸懸知
藥力消冰雪未擬垂楊聽早鶯

其四

潛聖峰雲碧萬層蕭蕭杉竹託山僧辜恩垂死餘雙淚扶

病今生夢一登多日六經藏孔壁何人十字誌延陵湖天

秋水魚書絕寂寥孤阡挂古藤

病不得省墓春初因松江董斯行請誌銘于竟陵吳

既閑期以秋至不得垂死病中念此二事唯有痛哭

代書答舌劍韜

乙丑

沫水東流嶽阜西魚書遙問浣花溪千峰舊訪孤輪月雙
腳難拚一寸泥大誓餘生聞虎嘯衰年獨坐弄驢蹠東山
隻履歸何日草輭煙柔一杖藜

宿明谿寺山僧導遊珍珠巖

蒼崖乳溜漬苔乾陰壑埋光生夏寒殷孽可憐添石痞飛

鼯亡賴撲鐙闌何如藻井鋪霞綺自敞珠宮迓日丹讀易
幽篁雙逕鎖當時悔不訪仙壇

秋興

秋藕繅絲綴冷香蓼花靺鞨染輕霜月津已轉從雲姑星
渚初離更夜長臨水登山悲郢客守庚煉己老丹房白蘋
一罅清泉鏡風颭霜髭照影涼

昔夢

丙寅

昔夢閒情一枕蠲閒愁過眼萬心鐫溼雲葉葉垂虹外歸
鳥泠泠晚照邊磽草自分尋藥逕湖天誰汎釣魚船西清
斜月能消得片玉輕鬆半影懸

雨餘小步

蓮花蓮葉柳塘西疎雨疎風斜照低竹籜冠輕容雪鬢桃
枝杖滑困春泥垂虹疑飲雙溪水砌草新添一寸荑不擬
孤山閒放鶴鵠鳩恰恰嚮人啼

初月

六月四日收夕雨一彎初上劃西清冰紈小蹙添紋皺青
鏡斜臨上粉輕垂柳干眉爭宛宛流螢半影怯盈盈新秋
通閨知何日已映銀河一道明

冬日書懷

木落山空朔氣吹雲消星白曙光疑瞳曨煙海天無際天

裏霜華月半規今古閑愁孤枕盡漁樵殘夢曉鐘知春心
他日將誰贈辜負寒梅折幾枝

翠濤過草堂問病

丁卯

稻露垂珠遠望平疎風疎雨葛衣輕楓林攝攝消殘暑禪
室登登待早晴話到閒愁無一字暮終殘局笑雙征因君
莞爾加餐飯不問謙芩託死生

其二

江樓十載故心違池影相看上雪肥銀漢未傾憐酒盡金
風欲避倩雲圍尊生爲囑悲歡損惜別懸知伴侶稀觀穠
送君歸下漢西清一鴈貼天飛

夏日喜何詣得見過

苗葉梳風暑乍消歸禽掠日影逍遙閑披綠艸依孤樹喜
看青衫渡小橋密語偶窺康節夢清狂未覺步兵驕剪燈
坐歎流光迴他日何方覓老樵

姪敏五十

邗溝槩戟插湘濱驍騎雲仍到爾身戍削月垂千丈影團
園松偃一庭春青氊未損傳家物黃菊相期漉酒巾好理
殘書貽子弟烏衣燕識畫梁新

其二

吾方授室爾懸弧一幅當年燕喜圖脈脈回頭成夢鹿悠

悠屈指數金烏黃雲初捲收香粒蘋棗重蒸釀軟酥糉有

老夫霜鬢在東皇遙勸倒村酤

重過三座山與故人羅君遇贈之

三十九年彈指閒居然無恙只青山一雙鏡影颯凝雪九

月

楓林葉墜斑

舊恨冰輪消免闕故交雪涕弔漁灣

羅君名映時垂

執先兄之緋

愛君步履輕如鶴獨嚮蒼天乞老閒

若庸邵陽人

宿別峰菴庶僕策杖來慰時方從哭送先兄歸壟返
幕幕蒼煙護小橋回峰斜引上方遙歸禽邀日沈平楚宿
露冷風潤綠蕉白髮共憐燈影瘦青山未遣淚痕消憑君
昨日山陽笛吹徹寒冰慰柳條

社前一日雪

戊辰

社日花朝總令辰柳絲萍葉總宜人已催鶯燕迎初日未
許風光試一春紫電暗窺珠佩笑輕雷不惜玉衡嗔還思
殘臘新暄早勾引江梅萬樹勻

二十四日又雪

雲鏽斜暉劇可憐驚飊一夕萬峰喧瓦松邂逅含晶密水
碧依微困影圓銷鑠風光仍夜永淹留寒色更春前藥畦
紅茁抽三寸他日欲尋更惘然

羅桐侯受業先兄存沒依軫倍于餘子春初過慰哀

老愴然酬贈

紙窗竹屋俯寒泉總角相看已颯然莎逕情深尋帶草蘆
中恩重覆漁船重來棠杜初悲雨老去桃花不記年一卷

申公詩說在憑君珍重護秦煙

寄題先兄祠屋

戊辰五月己卯祁孫奉
主人祠舊耐園也

寒泉古木問何年鶴羽歸來一哂然滄海能消銜土怨沃
州不待買山錢誰投粧妝酬江水爲餌錫香禁冷煙留語
烏衣諸子弟應知頭上有青天

其二

白髮青林一逕慳羊裘不揀釣魚灣當年有誓潭龍窟身
後還悲弔烏山日送斜陽沈海岸手栽修竹染霜斑致身

錄在憑誰讀鱸冷香消亦等閒

崇禎癸未賊購捕峻亟先母舅玉卿譚翁以死誓脫
某兄弟於虎吻謝世以來仰懷悲哽者三十餘年
翁孫以扇索敏姪書字綴爲哀吟代書苦不能請
先兄俯和益以老淚汪汪承睫不止

楓林落葉嶽雲寒兄弟披離片影單九族憑誰容破壁寸
心已許付危湍恩深艸屨隨拖杖命續霜刀惜刈蘭今日
渭陽回首處蕭條白髮淚痕乾

別峰菴二如表長老類知予者對眾大言天下無和
嶠之癖者唯船山一漢媿不克任而表師志趣於

此徵矣就彼法中得坐脫其宜也詩以弔之

延陵未識披裘客楊億還疑轉盼僧銀地界中金屑眼熱
油鎗裏雪山冰相逢歧路雙趺印顧笑懸崖一杖登今日
重拈唯薦淚秋山葉落冷孤藤

冬山卽事

蘿陰曲曲護迴塘亭午初消子夜霜小藻分波還浸碧閒
花似菊未凋黃游魚帶影雙遮水孤蟬迎晴倍惜香天物
殷勤相假借凋零不遺惱疎狂

其二

元綃垂幕黛煙流略挂西峰玉一釣蕭散雲還沈碧海清

空人欲訪瓊樓勻勻廣野疏星度惻惻寒心片影浮取次
閒愁棲泊盡更誰笙鶴夢丹邱

其三

小雪無雲宿曖暎東窗日轉半櫺斜清泉硯滴含餘綠活
火湯瓶湧細花歌哭古今歸午枕江湖圖畫泛星槎堂堂
日月容相問書卷留人幾歲華

其四

牆陰小步試欹危未厭晴風裏鬢絲橫實乍驚飛鳥過苔
陰漸放素光移紺珠千顆垂藤子丹葉孤飄繞故枝寂寥
經過聊緩頰重來千載更伊誰

野史劉生惜十年之別來訪山中爲寫衰容賦贈二首己巳

重逢無暇問前遊老去并刀割舊愁風定鱗鱗萍在水雲橫脈脈鴈當樓頻年苦覓蔓苓倦儉歲無多芋栗收良夜對君霜月迴還教飛夢泛滄洲

其二

彌天無處着衰顏映水愁窺徹骨寒鴈影自宜霜月暗鏡光知向暮春殘江門蓑冷添藤笠易水歌闌尚白冠慙媿雲林幽興絕還留畫裏一人看

五言絕句

辛酉日遺懷乙丑

短燭空燒柏濁醪不薦椒歲華知幾日人道是今朝

其二

東峰忽散雲飛光射簷端未解消冰雪晶熒一倍寒

其三

暝氣幸霜餘留寒釀春雪藥力不崢嶸眉間蹙千纈

其四

手折瓊瑤枝欲以贈遠者姑射冰雪姿乘雲不來下

瞿粟

嬌小垂頭立豐盈出面來花王休相入妬儂不向春開

相思子

七言自定稿

無識自有情咫尺銀河渡不問許多時渠還在何處

絕句

丙寅

黃鳥銜青蟲逕飛入深箐蛺蝶繞牆飛相逢不相見

其二

伏日人間暑西風天際陰秦坑從烈火魯壁自清琴

其三

蓮葉千莖亂因風捲翠烟飛來雙白鳥不省在誰邊

其四

瓜架穿螢白藤梢點露青牽牛花已發天上候雙星

其五

稻花垂金絲弱如紅藍藥風起颶蜻蜓含香點溪水

其六

宿鳥波流影孤螢冷度溪雲留分一半月在柳塘西

其七

鶼鶬穿窗入錢錢縮影高人間酣睡客幾處夢櫻桃

其八

閒簡蠅頭字芭蕉雪裏心青青河畔草自有鬼能吟

敵築土室授童子讀題曰蕉畦口占示之戊辰

治畦當種竹種蕉爲近之虛中同一致密葉勝疎枝

其二

脆綠憐弱幹勿爲霜雪侵春風動雷雨須長一千尋

其三

莫剪當簷葉憑傳蕭瑟音嶽峰窗外雨滴碎汝翁心

舊葉
嶽陰窗下芭蕉其本徑只一盧高二丈許歲有花結甘露

其四

題字成元草綠天幻絳紗勿容貪載酒何客可名芭

七言絕句

水仙

甲子

亂擁綠雲可奈何不知人世有春波凡心洗盡留香影嬌

小冰肌玉一梭

代書寄衡山戴晉元

松梢淺着餘冬雪蘭若閒燒丙夜燈

利稿着作
帶聞作寒

一枕夢回

衾似水不知仙洞隔朱陵

其二

寒山不穩歸飛鳥

利稿作衰年未穩霜餘雁

錦字難傳夜靜魚聞說茂

陵方病渴

利稿作文園

莫修封禪數行書

山月歌

乙丑

船山山半月垂灣太白光連夕照間白髮故人愁不見天
西無數五溪山

白雲歌效遜國先賢朝見
白雲乘出山之作

無數閒雲出翠微和風和雨夾山飛孤煙一片如輕絮自繞疎林欸夕暉

其二

一片輕飛嶺上分當時猶自惜離羣飛來飛去秋風裏今日青山無片雲

其三

白雲飛也自尋常不道青山不久長看盡雲飛天闊迥清空一碧映瀟湘

其四

前日浮雲飛出山山前爲雨不曾還雲收雨散無消息何似青山一碧閒

其五

浮雲本不戀山巔木葉隨風更可憐欲得歸林歸不得蛛絲懸挂矮簷邊

雜咏

曲岸平塘小徑通山坳倚杖避回風知誰撲速林間響雀啄霜餘數子紅

其二

暝煙欲捲任棲遲斷嶂雲光射嶺西恰似半晴三月雨林

梢只少子規啼

其三

罌粟苗輕翠瓣嬌水仙胎滿暗香飄丁甯雪霰休凌藉任打窗前敗葉蕉

其四

問病人稀樾徑閒朝飛孤鳥暮飛還磨廝避虎昨宵過亂跋泥黏碧蘚斑

又雪

一雪纔消一雪飛不留餘白映霏微何當貰與嚴陵壽建武初年守釣磯

送劉生輯夏歸省重慶

蒸江漱玉遶蒼汀玳瑁霜雲擁翠屏歸向湘山高頂望應瞻南極老人星

七十自定稿終

柳岸吟

薑齋詩集卷四

船山遺書五十二

衡陽王夫之譏

和龜山此日不再得

我生秉孱弱不能任耕桑居然消林稻何以醻夏蒼星盡
晨雞鳴東方生炯光良陰無踟躕俄頃收斜陽行行天地
間南北各有方步履無定審宇宙空茫茫忮求但自輯尙
未足以臧百端苟遏絕暗觸還自戕身心取輕安未免等
粃糠良珠固在握胡乃忘吾藏春暄熏百草隨類發芬芳
秋氣淨四極一碧涵清剛春秋皆在斯何爲空傍徨積粟
太倉盈積步萬里長蹉跎而凌越竺氏與蒙莊如彼鳥篆

空漫爾矜文章辨說及組繡慷慨登詞場如彼挾策子與
博偕亡羊砭心不知痛支體皆隳忘何忍蹈此蹊而更詫
豪彊闢閨有津濟但自理舟航鼓勇未爲殊綿綿功在常
一息不相續前勤皆已亡與俗俱汨沒徒爲造物傷返念
誠自驚斯須分聖狂

溪上晚步次閒來無日不從容韻

溪光空碧淨秋容灼灼斜陽蓼岸紅風日不欺樵逕好江
山未換釣竿同難分憂樂雙行裏誰道窮通一寤中不遣
希夷醻上古乾初一畫海天雄

和白沙

胡不思身已有身桃花柳絮各當春歸除共算三辰日截
續無差上古人拔地雷聲驚筍寢彌天雨色養花神他時
午夜青天月恰好金波片影真

二

粥飯終朝劇可憐無心叢裏有心天觸體不爽元生意枯
槁翻新看火然莫撇孤清求鳥徑已知實際厯長年分明
饒有中和用不但虛懸未發前

爲躬園題用念菴韻

厯厯有此躬何求而不得卽此欲得心分明無疑惑

二

受來非彼來應去亦不去雲行而雨施皆子措躬處

讀念菴詩次之

真靜應知動不消冰霜雷雨總清霄吹鐙滅影形還在炯
炯三更伴寂寥

二

碧筍驚雷拔地長綠筠玉粉土膏香連踵徹頂無涯畔誰
是胞胎祕息方

和白沙

問天無意更拈蓍不道忘情勝馬龜蒙叟夢中真蛱蝶柴
桑枕上自軒羲汀洲杜若香原在海上蓬萊路不疑欲起

江門向今日藤蓑珍重釣珊瑚枝

二

百尺峰頭泛鐵船情知到我卻無緣遙飛青鳥知難致當
頂金烏不易遷一線自循芳草路雙趺直上蜃樓巔勞勞
終日心閒極池上琴尊笑樂天

鼾睡

拂拭南牕小榻空綠陰鏹裏紙光紅昨朝狼籍今朝在花
自輕飛柳自濃

二

劈破鬚眉剩脊梁閒心不耐更商量朦朧稍見東峰上一

片雲飛暮雨香

三

蒼葡萄玉破新函白髮簪花老自慙衝雨摘來安枕上香
熏華頂老圖南

四

挾書如蓀埽難窮且自埋心白晝中爲報泉臺舊知己儂
非劉向與揚雄以二子相獎

五

春鳥過春不肯鳴雨中仍聽兩三聲綠光影裏還飛去驚
落殘紅一片輕

六

詩書放下千端在王霸拈來一點無消受三竿紅日影生
成一幅後天圖

七

白日惺忪賣影新人間原有黑甜春寢中不識邯鄲道記
得誠齋煞認眞誠齋桂陽朱大中丞英

詠懷次韻

洪鑪片雪陳公甫獨棹中流羅一峰玉露金莖撐九陌桃
花流水度三冬江門孤月元無影太極丸春自有容傳與
鐵船憑泛海櫂歌聲裏儘相逢

不問青天擬問誰孤琴搖曳動清脾雷聲偶逐片雲起輕
碧無勞過雨疑幾有一漚生舊處笑看新葉發殘枝逢人
持此閒供具啼笑當前換兩眉

三

紙牕無縫看青山也覺秋容不放閒瓶水影中莎草岸菱
花曲裏白蘋灣他時搖落含春思昨夜蕭清啟月顏識得
金風消息好逢場抖擻試癡頑

次定山

野馬從來未受羈寒原衰草不須辭殘山殘水誰相問獨

笑獨歌且浪爲日午睡連清旦睡白沙詩更定山詩青霄
明月容遲上一卷殘書了更遲

二

攤書腹內破彭亨不憶愁從何處生天地病深立我病鬚
眉睜後更誰睜醉醪聊借風光釀僊藥無勞雨露耕正自
坦然人盡覺敢矜天馬躡空行

三

溪月溪風太有情不容塵土得分爭乾坤消受無多子今
古蕭條第一名寢裏青山留我住鏡中白髮爲誰生鑪煙
銷盡空香滿脈脈幽心只自評

和白沙釣瀨與湛民澤收管詩示唐須竹
遙山寫出虛無畫孤笛吹來雪月吟不是逢人難口說湘
流清淺祝融深

三門灘感興

古今皆效動欲靜勢不遺古今皆效靜欲動功不展乘之
有順逆用之有深淺無心卽無知有心智復蹇脈脈以持
危非言能宣顯

二

置身雲際觀何爲而栖栖延目千秋視所據皆粉齧目力
旣有窮生年不久稽吾心固可引遙與霄漢齊苟守規中

見安能無笑啼

三

鳴鳩爲風徵鳴鶴爲雨徵畏風或苦雨勃然而怒興天適
欲風雨吾力亦奚能吾適患風雨天心亦奚憑况彼區區
者俄然爲化乘不知方寸內風雨皆淵冰

露坐和白沙

不辨香何際回塘有芰荷風來已良久月上見微波草氣
從涼淨星光在宇多韶英吾識汝枯竹有鸞歌

月坐和白沙

幽篠晚風遲披襟待月癡亭亭有獨坐夕夕得清嬉休夏

聞西竺衰周栖仲尼蘋絲非繫縛灰槁亦奚爲

和白沙中秋

片葉聽蕭然何妨素影翩東牕千嶂外玉鏡一輪圓空界
原非妄天心已盡傳明宵隨顯晦墟里上孤煙

和白沙真樂吟效康節體

真樂夫如何我生天地間言言而行行無非體清元春鳥
鳴華林秋水清寒淵無功之功微乘龍而御乾

和白沙

耳目忻浮光不自知其性砂中原含金非天有殊命外取
亦甚哲內視還成暝如彼夜行人思與騏驥競

二

天下自閒閒人心長戚戚身爲物所持騎虎不得息息之
在先幾幾先人不識適燕而南轍終身無返迹

三

我聞莊定山其心如寒鐵去我二百載清琴音已絕船山
半畝池一泓貯香雪濯髮夕風微長歌弄明月

四

迢迢開一徑雙足儘登臨密至雲無際明生月有心當前
霜岸直徹底碧潭深神禹留金簡居然在嶽岑

五

蠅息皆吾侶鯢鵬固不交有時冰串釋歛爾淚珠澆醻物
唯三徑從天付一瓢空林桂花發何有小山招

六

此心晝夜至此生天地生雲先膚寸合月到上弦明白昔
知無畏隨方受一清白沙瀟灑處步步踏莎行

七

無雲天自碧有雲天亦清在天原不損因爾有雲名一極
情无妄六爻變遂成千秋儘合轍莫笑造車輕

八

江門一空際萬卷且幽尋龍馬誰之迹星河盡此心萍月

開池影松風合澗音萬端無彼是中有指南鍼

旅警

此日良可惜純熟尙不舍斷續有異心况我悠悠者巨浪
而停舟將爲千里瀉惻惻生內慙紅輪西墜也

二

惻惻保此名跋跋護此生此生何以重此名何以榮無乃
隨影動其根若浮萍安得良宵中齁睡而不驚

三

幸天與我知幸世與我憂知知而憂憂人將爲我憂不知
而不憂吾將爲我愁豈不有我哉云胡不自求

四

閉戶讀殘書居然有戶牖出門對羣動未必免濡首無日
無知音日月皆鍼灸徹骨療沈疴焉得辭老醜

五

辨言終自賊寸心若電燿使自泝源流多端堪內笑請卽
所笑端捩轉其樞要孤月遊霜空寒林清猿叫

元日折梅次定山韻

隨折一枝好清香破霧新盈盈此天地恰恰正芳春白髮
不相負青陽始試旬殷勤明看汝朵朵玉華真

和白沙梅花

梅花欲發雪撩之不損清香一萬枝半點千鈞春氣力看
花人似海誰知

二

花外春光有此梅江城斷岸儘催開寒蠶凍蝶誰驅汝度
葉穿花得得來

和白沙桃花

花到靈雲只一開桃根桃葉隔天台劉郎前度人無恙日
日看花不厭來

白沙詩只許劉郎一度來爲浮屠見聞覺
見桃花不再見宗旨故駁正之

和白沙

影從虛出無生響兩段分開覺後迷但識太空都撲滿不容風雨弄天機

二

雲移隔嶺搖綠草雨過橫塘綻白蓮大造無心誰解此莊生浪說欲忘言

爲白沙六經總在虛無裏解嘲

楊用修譏其墮禪緣其語太迫耳

曉日上腮紅影轉暝煙透嶺碧煙孤六經總在虛無裏始信虛無不是無

和一峰虛中是神主

神者天之妙心者人之主去人而用天我生如鱗羽

二

神靜物不擾神動心以靡不復知其他禪元但測此

三

天地旣設位人微何以參分明有人主天地不能堪

四

人心天之仁道心人之仁造物自大德奈何迷我真

五

不但塵非我光昭亦是天實中是人主珍重一峰傳

示兩子

一年不遣病軀安此事分明汝輩看不爲菜羹須汝出人

間第一菜羹難

二

領我清狂累幾分旁人指摘更深文回眸但顧身邊影卽爾依依望白雲

暑過友人新齋

燒燈照雙影兩心在影中影隨燈去畱此心滿虛空

二

駿駿行稻田薰風爲誰發知君開軒望懸愁涼吹歇

三

古人不可知今人我對君有時發狂嗔太和自氤氳

四

蕭齋臨古甸綠香飛几席一峰太極丸居然自疇昔

五

飛雨白四峰人如雲中坐此勢不可忘當眉起頑懦

六

就子請一言珍重言復止如彼冰上行厚薄自知耳

讀文中子

樂天知命夫何憂不道身如不繫舟萬折山隨平野盡一輪月湧大江流

二

天下皆憂得不憂梧桐暗認一痕秋厯厯四更山吐月悠悠殘夜水明樓

書陳羅二先生詩後

白沙飛舞草龍一瓠埋頭蠅迹莫道我狷彼狂共弄暮天空碧

二

金牛洞口春色觀生居畔秋聲徹底與君拈出前山雨過雲生

和一峰入道門

道牖無開闔天闔在寸心琅然絲竹啟不但有清琴孝友

春雲沃中和海嶽深金樞纔一轉九折任幽尋
和一峰讀書樓

竹戶綠光迴疏牕素影幽曲通邀月徑直上摘星樓片字非虛設孤心自泳流陳言皆此日無往不天休

和一峰扇和巖

世故爭欲暮吾生始試春居然從古哲莞爾笑時人月轉羣山曙鶯啼一苑新老來知此意卽次認天真

和一峰一覽亭

生余當此日滌目埽昏煙拙幸前賢在高居未有邊道香原在鼻銀氣漫熏天顏孔樂何事閒遊豈自然

和白沙梅花

天地機方息此花不暫閒斜陽熏染破凍蝶飽香還淺水尋猶遠高枝折未難壺天麟髓浹何必問神山

和白沙懷古

伏羲枕上皇靖節不荒唐澆酒巾猶溼當籬菊已香雲飛從鳥倦苗長記農祥天地悠悠裏春風正未央

和白沙

五位一絲七日復六爻全用九三乾江門不賣閒風月月白風清總不然

次康節韻質之

俄頃仍千歲天心常轉移六龍飛不息三極各乘時有畫皆成象無聲不是希誰將華頂睡迢遞贈庖羲

見狂生詆康齋白沙者漫題

任爾舌尖學語誰知趺下生根一線經分子午雙鈎畫破乾坤逼窄墨台狹路蕭條原憲柴門天下古今幾許梨花

春雨黃昏

讀易贈熊體貞孫倩

澄宇旣滌清霜欲飛天地居然云胡以窺勿庸遐矚道豈遠而物生必偶心動則奇物無不應心無不幾遇成秩敘否必參差雷風日月載此爲儀孰敢自康吉凶不違

油雲在天舒卷不齊隨風而東歛爾還西或飛甘雨或散
虹霓君子攸行不害先迷經歷紛糾如取如攜比干殉殷
夷吾相齊昏旦殊星燕粵殊蹊移之分寸徒忘妻哀哉
羣動莫之能稽百草隕芳鶗鳩先啼所以靈氛告爾天倪

三

自我徂冬元夜其修晨光警曙肅肅衾裯我身則痛我心
則悠潛與化尋敢侈天遊遂歷韶春言迄凜秋物不我遐
化不我浮俄頃有樞誰云遷流六龍之轡徧乎九州因之
致遠抑又何求

四

大圜如規旦昏各半道樞不留氣轂時轉理隨象宣通於
一貫如鏡取影但窺其面坤不外生乾非中竄其去非亡
其來非幻屯隱四陽鼎陰未現非有有無唯徵舒卷靜言
念之卽經爲變險易盈虛窮通萃渙豈不我繇何爲外眩

五

文王旣沒文其在茲赫赫明明有彖有辭志非所問義著
於蓍日不可燭天不可帷宵人竊燭不照鬚眉周道茂草
別趨路歧弄方如砌畫圓如規星厔相竄巫覡是師天化
地產玩如行碁以謀羹炙以詢注嬉神所不告覆譏其違

修吉悖凶天鑒在斯皇天弗尙吾爲爾危

六

昨日之日爲今日先往再來茲仰今爲緣有象皆後理亦無前華山有叟胎息密傳謂天爲後別有先天祕相授受玩弄清元劃破乾坤符火爭權我無羽翰乘風而僂居天之後奚用此焉雒陽看花天津聞鵠歸之氣數莫匪自然人用以廢天樞不圓采苓首陽其尙舍旃

七

脂我神輿遊于太虛太虛匪虛充塞無餘火來陽燧水赴方諸水火無間況道之儲薺麥夏成款冬凍舒摩盪無方

各含道腴匪車何軸匪戶何樞六龍竝轡互惜其珠行地無疆良哉駿駒哂彼曲學謂之乘除心不可游道不可拘庶幾夙夜警我頑愚

八

悠悠我生去日已長懷我友朋墓草芸黃父兮生我固極昊蒼莫寶匪命含柔含剛乾龍坤馬厯厯腎腸日用不知雖哲而狂不耕之農蝕彼稻梁崦嵫旣迫朽骨空藏亦旣邂逅矧敢斅忘荆棘是芟庶顯康莊多言爲尤自疚不臧惟抒我忱薦其悚惶

示從遊諸子

七載相憐已久如寸心未展祇相於諸君懷玉空彈鵠老
漢直釣儘釣魚大易圈父唯父母上天時物在詩書勿勞
載酒詢奇字便草元文亦子虛

二

千林瀟灑試金風萬里秋清一夕中正好腰鎌收玉粒不
妨停轡看霜紅層層剝筍方逢肉縷縷穿鍼未損絨欲遣
平臯新雨透先將利劍斷雌虹

三

今人笑古古笑今笑將在口或在心攜杖穿雲雲不惹褰
衣涉水水何深他人有窮難代說夜半索枕自幽尋莫擬

船山如布穀斜陽高樹認歸禽

第35593号

平成3.11.22

聖和学

園短大


図書館

928

牛

3

薑齋詩集卷四終



學

